




JEAN-NOËL FABIANI & PHILIPPE BERCOVICI

MEROFOLINA IZVA KE SELAROPA



VESALIUS is
KOSMARA VA ALTO

LES ARÈNES BD



MEROFOLINA IZVA KE SELAROPA

VESALIUS is
KOSMARA VA ALTO



FRANCAVAFA XANTOFA WIMBRA :
L'incroyable histoire de la médecine

Krentara : **Jean-Noël Fabiani**
Zovdara : **Philippe Bercovici**
Ksevara : **Isabelle Lebeau**
Piskura : **LES ARENES BD** (2018)

KALKOTAVAKS :
Merofolina izva ke selaropa

Kalkotavara : **Pierre Van Moorgen** (2024)

Andreas van Wesel dene selaropikafa vlaenderafa yasa kobliyr. Sinafa mona lente kumba tigiyr.



Mali rumeugal, Andreas va rumkanik dilfun gan razama kaldisukeyer.

Batkane va viafa ligabera rodulapeyer nume va awisira va fixana alma az relteem az vileem az tere niskeem rowiyr.

CO ALBÁ
DA BATI ZVERI
VA UVOONOTSA
LIGABED...



Bak 1532, dotrakunon gan gadikye, va selaropafa vayara koe Paris djukudakiyr. Biwe tiyr san-anyustdaf.



Voxe Andreas zo awuzayar : anton baroya ligabera (fentugalon) tandeon zo skuyud isen kogabeyes tcobasik va gaberopa vol grupeyed.

Lanviele, tcobasik goskuyus va ligabera xuton gu tavera ke Sylvius feliik ve akoleyer. Vayasik va ikaon Vesalius ta skura moimaxuyud.

VESALIUS GAN DOVAYASIK
ZO IMAXUL. NUME VA
GOREEM NARIL AZE
VA RINAF STINUCA
NEDIL !!

ACKE !



AE. JIN VA SUTEKS KE GALENOS
PU WIN BELIL.

CIN
VA GALENOS
FIV !



VA COBA
ASKINA GAN
ANDREAS WIL, I VA
TO KIEWAFA LOON
DAM GAN TCOBASIK !

Dace Silvius
va kotunafa stinuca
ke tavembik
gokagrupeyer.

Koe fult, tan tcokesik va Vesalius tici inafa danedira vanlaniyr.

VA JINAF YOLT TIR SERVET. MICHEL SERVET.
TÍ ESPANIK. VA MANCOBA MEVIELE IXAM
AL WÍ. TIL FELIIK.

UX...
AGRALAFA !

ISEN TO AYIK DUM
RIN FU ASKID DA
VA AGELTUCA
KE LORIK
VANFITT.

VOXEN
SOPRON, BAT
ESPANIK TIR
BAKESTAMAF !



Servet me trakuyur da kalickiyr.

Bak 1537, kotla ke Padova va Andreas gu tavesik va gaberopa zo kofliyir. Mali artfira gan gadesik ke widava zo emudeyer.

KLE VESALIUS FELIİK, RINAF VARTUCA VA RIN AL ABDIFIR, NUVE ANYE, NUMEN CINAFA WIDAVA VA JONTIKCOBA GU RINAF FITC KECKER. TOKKANE VA RIN CO ROPOMAV?



VA KONCOBA KAIKE INTAFA GUZEKARA ROTASKIL, JIOMIK.

VA AWALKODA TA INTAFA TAVERA ISU ANEYARA OLEGÁ, ISEN VA TSELKA DAGIL...



Kserambon gan malyesik, Andreas va alto ke tanoy lanzanik afteron deswayar.

Vesalius toz kobayar. Radimi tavera, tukotrason va ligabera ant zavzagiyir kire va nevapa undeyer lize va ageltuca co romuxayar, dile kev koplekuyuna rieta...

ARISTOTELES IS GALENOS VA SULEM ANTON LIGABEYED. BATCOBA VA SIN-YONA ROKLA SOPEBUR.

POKOLÉ DA IN FURE TENEKAR...



Va Jan Van Calcar koe ulidebaxo rungrupeyer, i va tavembik ke Tiziano...

VA JIN TEREKTACKÁ, JAN, VA STINAF ZOVDASIK TA INTAFA NEVA ICDE GABEROPA OLEGÁ.

XUPS!... ME ZVAK.



Van Calcar tiyir stinaf gu epura va gaberopaf ewavak « ba tegira ».

TÍ YAMBUDIK, VA EWAVAK KE VESALIUS DJUGABLIZEŠÍ.



Eruyur da Tiziano feliik va modivacesiku ke nevapa ke Andreas di zovdayar, i ke « Fabrica ».

JIN, VA MANYONI TEGI VOL DJUGAZOVDÁ ! BATCOBA VA JIN VOLMOLESIR...

JIN, VOLSON, LODAMON GANON ZO MOLESÍ !



Banvielu, gaberopa va divakeem ke ayalto benelon dulapeyer, kagluason va sugda ke Zodiacus ek.



Leonardo da Vinci tiyir milugalik ke Vesalius ise va intyona ligabera cuisson zovdayar...



La Fabrica* neva tiyir taneafa neva icde opafa gaberopa ke Izva.



Do Jan Van Calcar, va amuzesa neva mu vayasik dere epuyud, i va Epitome neva. Bantan va ewavak gogaboteyed aze kev yup di rewayad.



Koe taneafa piskura, Vesalius va abica rokla ke Galenos anton tuwadayar ise me rovebabdufiyir.

Wori va cuynafa malyopara ke Jacobus Sylvius savsaf feliik nekiyir.



Bak 1555 va toleafa piskura sanegayar lize va exulera oltavon gu Ibn Nafis pimtayar.



